

# 目录

傳家至寶	一
五修譜序	三
歷屆譜序	四
產業記	七
茂文祖墓圖	八
茂文公下五代世系圖	九

# 楊氏族譜

目录

二零二五年乙巳歲春月

# 清白堂

傳

楊氏族譜

傳家至寶

二零二五年乙巳歲春月

一

清白堂

家



楊氏族譜

傳家至寶

二零二五年乙巳歲春月

二

清白堂



## 五修譜序

國之史記，以誌前聖前賢；家之譜牒，以載先曾先高。滄海桑田，山川曆之萬古；國泰民安，家風振之千秋。

吾祖茂文公，由粵東博羅縣遷瀏東茅灘壁開基以來，以近三百載。其間遷瀏六世祖明字輩，人口增多，謀家庭之發展，故在廟前州購買外姓山嶺，田土數畝新建屋宇，子種孫耕，延續至今矣。清末民初時期，先賢多次有纂修族譜之意，皆因兵荒馬亂，民不聊生而憾也。乃至民國三十四年乙酉歲（公元一九四五年）舉全家之力，與瀏東東沙沖韜元公後裔，三口益埧、瀏溪等支宗親完成四修族譜。至此已八十載。其間公元一九九三年瀏東東沙沖五修族譜，由於諸多原因，未能遂願。今逢盛世，國富民強，家族事業，承前啟後。承東沙沖韜元公祠理事會，以及諸多前輩鼎力相助，遂成吾茂文公五修族譜，感慨萬分，特述數言，當懷先祖遷徙之艱辛，以勵後裔之子孫，奮發圖強，傳承吾祖之家風，知根源，別長幼。唯願列祖列宗，蔭佑後裔子孫，枝繁葉茂，瓜迭延綿。

時維

公元二零二五年乙巳歲春月

茂文公十世孫輝庚拜撰

# 楊氏族譜

五修譜序

二零二五年乙巳歲春月

三

# 清白堂

## 茂文公四修族譜序

德中公曰天地間物極必返由剝而復由困而升寢熾寢昌理有固然大哉斯言昔族先祖茂文公之居茅灘壁厯世數傳子孫無多家亦甚容人咸以爲該地不利乃若斯爲問者地利者遂無若斯者耶毋亦時也命也遇也謂物極必返者然也曷言之辛丑續修譜牒之後公裔由茅灘而遷小溪高車廟前洲不過數十餘年而已今則必返之時也雖不曰子孫蔓延桑梓厦屋渠渠田連遷陌而置田園肯堂構者足可稱焉以此卜之行見螽斯蟄蟄瓜瓞綿綿恢宏先緒大啟鴻圖何難之有乎況今子孫有尊祖敬宗之心不忘其本自且勤儉習慣雍睦成風振振繩繩指顧問事也茲因合修族譜屬序於予予不揣謏劣故欣然而爲之序以補於首

峇

民國三十四年乙酉冬月 穀旦

族孫明照月臨氏 拜撰

公元二零二五年乙巳歲春月 重刊

# 楊氏族譜

歷屆譜序

二零二五年乙巳歲春月

四

# 清白堂

## 茂文公支序

金陵爲帝王之區虎踞龍蟠極天下之勝言形勢者艷稱之以故王者造邦不取偏隅士人建家多求廣野今世家大族因之大率多地利者而吾竊謂不然昔者舜生諸馮女生岐周一東夷一西夷卒成大業且沃土之民不才瘠土之民向義安見肥美財足致殷富崖岸則不宜子孫也昔族先祖茂文公由粵東惠州府博羅縣遷今劉東十都之茅灘壁今厯數傳子孫無多家亦甚容人咸以爲該地不利乃若斯爲問得地利者遂無若斯者耶毋亦時也命也遇也吾因轉爲之賀焉非如叔向公之賀宣子也天地間物極必返今則必返之時也由剝而復由困而升寢熾寢昌理有固然行見置田園肯構堂多男孫蔓延桑梓稱盛族焉茲續修族譜請序於予予不才據其實而直書以爲序

峇

大學生族孫德中 拜撰

公元二零二五年乙巳歲春月 重刊

## 宋淳熙戊申廣文文富公撰序

當因趨庭之暇佩學禮之訓而有於禮之言曰萬物本夫天人本乎祖人之興物莫非天之所生古之聖賢所謂物以天言人以祖言何也蓋天者物之天而祖者又人之天物不本乎天則自形自色於宇宙之間者孰爲之總攝人不本乎祖則以嗣以續於世代之遠者孰爲之根本日月之照臨風雨之鼓潤而根莖茅甲得以遂其生者此物之所以同乎一天也開之於前垂之於後而高曾雲初有以久其遠者此人之所以同夫一祖也是則人之有祖即物之有天也藉祖宗之澤而無報本之心是忘其祖即所以忘其天也人而忘夫天尚何容於覆載之間哉噫是祖也乃人之所由本也然有所生之本又有所利之本興之於前傳之於後至於生生而不窮者此所生之本也置乎田園貽以基業至於利利而不竭者此所利之本也凡厥有生孰不同有所生之本哉夫既有所生複有所利是則人皆一本而我則二本矣今石族享祖宗分授之田荷祖宗蒸嘗之利者得非所謂本乎祖之中而複有產業之本哉且閭巷小民鄉落農夫無立錫可資而人心天理未嘗不猶存拳拳於春秋祭祀之日籲彼不忘所生之本也而念祖之誠且若是殷也已承祖宗積累之本又有祖宗產業以爲憑藉之本俾昌俾熾得所本於立業肇跡之餘而不饑不寒又得本於仰事俯畜之際而報本之心宜何如哉我楊氏始自宏農分出於虢邑徙於吉州遷於興國上世祖宗墳塋山川間阻不得掃掛惟唐始祖朝議大夫雲岫公官粵寓梅遂立家焉生三子長思孝次思恭三思聰分爲三房

# 楊氏族譜

歷屆譜序

二零二五年乙巳歲春月

五

## 清白堂

厥後奔葉相承又分爲六房而始祖則六房共之然三房所輪之蒸嘗則有西洋陸擔陸鬥酒米之田六房所輪之蒸嘗則有鄭均灘頭一千餘秤之稅以西洋爲蒸嘗所祀者百祖罔五龍罔此則三年一收而吾之三房各有與焉鄭均灘頭爲蒸嘗所祀者灘頭合葬之曾祖參軍公黃氏夫人也此則六年一收而六房各與其一焉使後之孝子順孫念祖宗肇造之報難無負前人責望之美意收其租稅祀其墳塋食其蒸嘗追其忌諱由長及幼已終複始難萬世不能變也夫何子孫弗念厥紹任己私意壞昔良規爲一時便急計利之謀而不思祖宗貽厥孫謀之道以陸擔餘米爲大寡每年諸房所收僅獲升鬥之利故蒸嘗之典因所得之鮮而不舉固可責也若鄭均灘頭一千餘秤之稅爲大多陸房糾集則其勢不得以祀親今則吾族之衆昭穆尊卑莫不皆有一定之序矣自今已往務宜各協親愛之情明宗族之義收其租稅祀其墳塋毋得以大凌小以尊欺卑患難則相恤緩急則相通味百世不遷之言而服膺乎蘇公族譜之訓使孝弟之風藹然如春風和氣之可掬豈不美歟

十三世孫恩進士文富 謹記

公元二零二五年乙巳歲春月 重刊

## 明永樂丁酉晉江令宗信公撰序

嘗謂參天之木必有其根懷山之水必有其源人之有祖亦猶是焉昔吾族之居梅也由宋迄今世濟其美稱著姓焉宋末族繁星散東西幸賴我祖參軍公至高祖如穆公曾祖斌孫公祖清軒公伯父樹齋省齋震齋祖興房房子系日加繁衍舊業亦頗增益而耕自足者是皆祖宗餘慶之所暨也豈敢忘其所自哉籲天運一氣以育萬物故生生而不窮人原一祖以分九族故繩繩而永久何今之人族譜不修蒸嘗不舉或遺其宗緒者多矣士生百世之下欲推其所來而親睦其宗族概不悉由不過自養自育而族之孝弟雍陸名分親疏之類茫然不知嗟哉鳥俯而啄獸走而娛猶且徘徊顧群尚恐外物之害可以人而不如禽獸乎是以慨然以祖宗親族爲念上自高曾以下類編成圖貽我後裔以寓羹牆之思焉俾吾後之若子若孫序親疏別長幼披斯圖按斯記究高曾以上之遠親知根乎一氣極祖父以來之遠族知本乎一源使奉先之心油然而生則孝弟雍睦忠厚惻怛之念庶幾由此而興矣斯則信所切望也謹言以爲記

公元二零二五年乙巳歲春月 重刊

# 楊氏族譜

歷屆譜序

二零二五年乙巳歲春月

六

# 清白堂

## 乾隆庚午林文宗枝春撰序

餘讀聖諭至敦孝弟以重人倫不禁掩卷而嘆曰敦倫飭紀我朝之甚重也歲己巳膺皇恩之寵渥特簡餘衡文江右有信邑弟子員楊宏奇率其族侄孫龍躍正賓嵩山爵昌惟隆等具呈家譜以重修請題餘披閱之始知信邑楊氏受姓分封之後堂名華陰者有章公堂名關西者有震公堂名宏農者有寧公三遷一脈非有殊稱遞傳輅公篤生九子長曰銳即尚書書士奇房祖次曰鋌即謨閣萬裏嫡祖其中謚以忠襄褒以文節旌以貞靖封以文惠諾公等宋元之後屢朝鼎盛世代文人至十有五世後代繁昌四衍各邑或以江右稱或以江左稱或以閩省傳或以湘楚著何可悉數幸得彭壽公與堂弟吉叔官任吉安故辭廬陵並塘俱居於贛彭壽之裔住信豐之花園坊吉叔之裔還安遠之楊蔡故今文人炳蔚江西巨族聲在人間茲族大繁衍不修家乘誠視至親若塗人對本宗如秦越所以聯合族同志協力重修是所謂彝倫攸敘闡祖宗之發越亦所謂昭穆詳明冀後嗣之顯揚者餘司文衡任在褒嘉故因楊氏之請而樂為之序

公元二零二五年乙巳歲春月 重刊

## 產業記

道生叨

祖宗之默蔭接買產業除存長房田一畝外其餘一概留作祖宗蒸嘗光興光前兄弟應妥慎管理毋得變賣茲乘修譜故紀載於後

計開

廟前洲屋宇一所丙山壬向屋下首相連田二坵計種三畝傅家冲張家老屋下首相契買張人田一坵計種一畝五分梧樹園契買謝人田七坵計種二畝五分龍骨冲契買謝人田一坵計種七分田勘上土一塊藥王坡契買李人山一塊鍾家漕契買黃人山一塊長坡尾契買李人茶山一塊

道生自記

# 楊氏族譜

產業記

二零二五年乙巳歲春月

七

# 清白堂

# 楊氏族譜

茂文祖墓圖

二零二五年乙巳歲春月

八

# 清白堂

新祠堂圖



迁瀏一世祖茂文公 夫人吴孺人合墓

# 陳設圖

## 楊氏族譜

茂文公下五代世系圖  
二零二五年乙巳歲春月

九

## 清白堂

